
RAZGOVOR Svi kapaciteti spremni

Ministar Podžić za "Avaz": Nema zaraženih pripadnika OSBiH, ali ih je 229 u izolaciji

Podžić tvrdi da su Oružane snage BiH, prema odluci Predsjedništva BiH, obavile svoju misiju i na 10 graničnih prijelaza postavile šatore

M. Aš. / Avaz.ba

30.03.2020 14:13



Podžić: Ne možemo dati sve resurse

Foto: Arhiv

Ministar odbrane BiH [Sifet Podžić](#), rekao je za "Dnevni avaz" da je, kada su u pitanju Oružane snage BiH, zasad najvažnije da nema zaraženih pripadnika OSBiH.

Prema njegovim riječima, život u kasarnama, kada je u pitanju ova epidemiološka situacija, veoma je osjetljiv.

- Mi smo sve preduzeli da ne dođe do zaraze. Imamo, nažalost, 229 pripadnika u izolaciji i 12 članova njihovih porodica koji su pozitivni na [koronavirus](#) - kaže Podžić.

On tvrdi da su Oružane snage BiH, prema odluci Predsjedništva BiH, obavile svoju misiju i na 10 graničnih prijelaza postavile šatore.

- Iz ove naše misije, jedne od njih, mi smo još dali oko 854 kreveta. Puno sredstava smo dali, ali su zahtjevi i dalje veliki. Dolazimo u situaciju da mi ostanemo bez toga. Tražit ćemo da se sredstva Civilne zaštite koja su dobili nakon poplava 2014. godine iskoriste pa tek da se onda od nas traži pomoć. Mi moramo imati zalihe resursa za, ne dao Bog, teže stvari - kaže Podžić.